

¡ILL DA!

Donostiar jatorra
 biyotz onekua,
 Iruchulo'tar bikaiñ
 egiyetakua;
 euskal zale trebia
 pare gabekua,
 zenbait malko iñori
 chukatutakua
 ¡ill zera! utzi dezu
 erri penatua.

Festa ederrik bazan,
 egiten erriyan,
 moldatzen zenituben
 gazteak neurriyañ;
 ¡ zutzaz gogoratuko
 dira Donostiyan,
 erriko gauza onak
 diraden guztiyan !

 ¡Jaunak jaso zaitzala
 zeruen erdiyan !

JOSÉ ARTOLA

* * *

EZ GERA ZUTZAZ AZTUKO

Zuk berotu, ernetu ta sendotzen zenduben gure biyotzetan, Euskal erriaren ganako lei pizkor ta sutsum. Gure izkuntza maitagarriaren alde erasotzen genionian lanari, gure buru izaten ziñan, askotan gure maisu, beti gire zaindari.

Orain zerurontz jasoko ditugu begiyak eta bigalduko ditugu gure otoitzak.

Ez gera zutzaz aztuko.

TORIBIO ALZAGA